

**Protocol no. 72****Sezzüda da lündeschdi, 13 settember 2010, 20.00 – 22.20**

**Preschaints:** Jon Carl Rauch; Chasper Alexander Felix, Georg Salomon,  
Marianne Werro-Lehmann e Rico Zini (protocol)

**S-chüsà:** Jachen Andri Schmidt

**Protocol**

Il protocol no. 71 da la sezzüda dals 6 settember 2010 vain approvà.

**643 021 FABRICA**  
**Società Uina Dadora – Renovaziun tablà – Uina Dodora**

Il Cussagl cumünal conceda il permiss da fabrica pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica.
2. Il decret dal Chantun (BAB) es part integrala da quist permiss.
3. Taxa chantunala BAB: fr. 546.--
4. Taxa da trattamaint: fr. 200.--

**644 021 FABRICA**  
**Dumeng Jann – Mür e saiv – Plazzetta**

Il Cussagl cumünal conceda il permiss da fabrica pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica.
2. Taxa da trattamaint: fr. 100.--
3. Las quatter protestas vegnan refüsadas, causa chi's tratta da protestas invers il privat (dret civil).
4. Ils cuosts implü pel parair juridic van tenor art. 96 KRG a charg dal patrun da fabrica.

**645 11 PULIZIA**  
**Ledscha da pulizia**

l' temp da consultaziun chi ha dürà a partir dals 28 lügl 2010 per 30 dis es entrada ün' unica charta in scrit. Il Cussagl cumünal piglia posiziun seguaintamaing:

1. Illa zona da cumün han dad esser tuot ils chans in manaistra eir chans da paster.
2. L'otezza da las multas sun regladas regionalmaing. Tanter oter eir quella schi nu vegnan tuttas sü ils excremaints dals chans.
3. Sülla dumonda d'integrar ün'artichel chi proibischa da parcar sün prada agricula constatta il Cussagl cumünal cha'l problem nu saja gravant. Schi vain parcà sün terrain agricul privat, lura es quai üna roba dal dret civil (scumond da parcar tras il Circul).

Ultra da quai nu pon gnir parcats ingüns veiculs sülla prada, quai es reglà chantunal (Uffizi per la natüra e l'ambient).

Il Cussagl cumünal repassa ils artichels a regard la videosurveglianza da las deponias d'immundizchas, ils quals vegnan integrats illa ledscha e preschantats a la radunanza cumünala.

**646 810.503.02 Magazin cumünal Tuols**  
**Curunas per deponar chünettas – Credit fr. 6'100.--**

Il Cussagl cumünal piglia incunter la spiegaziun dal schef da vias. Previs füssa da far curunas chi's riva da chargiar la laina da las chünettas da tuottas duos varts.

Il Cussagl cumünal conceda per quai ün credit da fr. 6'100.--.

**647 700 PROVEDIMAIN D'AUA**  
**Ruottadüra da la lingia d'aua – Pradè**

Il schef d'aua orientescha chi saja darcheu ruot a Pradè la lingia d'aua, e quai tanter duos ruottadüras da plü bod. Il ris-ch da laschar aint quista lingia sur inviern es massa grond. Uschè chi's prevezza da müdar oura quel toc lingia amo quist on. I' istess mumaint as poja güsta müdar oura amo la lingia chi tuorna giò dal reservoir d'aua. I's tratta d'ün traiget da 60 meters e la stima da cuosts importa fr. 55'000.--.

Cun quai chi's tratta d'ün proget d'urgenza, decida il Cussagl cumünal da preschantar quist proget a la radunanza cumünala dals 16 settember 2010.

**648 217 CHASA DA SCOULA**  
**Rimplazzamaint dal pedel da la scoula**

La schefa dal departmait da scoula orientescha cha'l pedel da la chasa da scoula haja dad operar ün man. Il Cussagl cumünal manaja cha seis rimplazzamaint haja da gnir fat per quel temp dad oters lavuraints cumünals. Il manader tecnic vain incumbenzà da chattar üna soluziun cuntantaivla.

**649 810.501.24 Proget via da basa Sur En**  
**Via da basa Sur En**

Il capo orientescha chi saja adüna amo intschert scha la via po gnir realisada o na. Ils privats pertocs sun cunter il proget chi d'eira stat publichà. Il capo propuona da far üna discussiun cun quels privats per chattar üna soluziun cuntantaivla per tuot ils partits. Il Cussagl cumünal sustegna la proposta.

**650 942 POSSESS DA FINANZAS D'EDIFIZIS**  
**Lavuratori Sur En**

Il capo orientescha chi saja gnü üna dumonda per tour a fit il magazin giò Sur En.

Cun quai cha l'edifizi as rechatta illa zona per stabilimaints publics nu's poja pel mumaint vender o fittar a privats quel stabilimaint.

L'actuar: